



REGULAMENTO ELECTORAL

Para a elección a membros da Asemblea Xeral, Presidente e Comisión Delegada da Federación Galega de Chave.

A Coruña, 10 de Setembro de 2014



FEDERACIÓN GALEGA DE CHAVE

Artigo 1. Obxecto da normativa

En aplicación do disposto na Lei 3/2012, do 2 de Abril, do deporte de Galicia, e na Orde do 8 de setembro de 2010, publicada no DOG número 174 do xoves, 9 de setembro de 2010, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e realización dos procesos electorais nas Federacións Deportivas Galegas, durante o ano 2010, confeccionase a presente normativa que regula o proceso de elección dos órganos de goberno, Asemblea Xeral, Presidente e Comisión Delegada, con representatividade durante o período 2014 ata o 2018.

Artigo 2. Celebración de eleccións

A Federación Galega de Chave procederá á elección da súa Asemblea Xeral, Presidente e Comisión Delegada no ano 2010. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: De luns a venres de 17,00 a 20,00 horas

Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral da Federación de Chave Galega, será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.

Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

Deleganse na Xunta Directiva da Federación Galega de Chave, no caso que houbera que subsanar algunha deficiencia no mesmo regulamento electoral, que delegue e autorice á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentarase á Secretaría xeral para o deporte para a súa ratificación definitiva. O Regulamento Electoral publicarase na paxina web da Federación Galega de Chave e na paxina web da Secretaría Xeral para o Deporte de Galicia de conformidade co disposto no artigo 58.6 da Lei 3/2012 do Deporte de Galicia



Artigo 4. Censo electoral

1. O censo electoral (ANEXO III) incluirá aos deportistas e entidades deportivas inscritas na federación e no Rexistro de Entidades Deportivas e deportistas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Incluiranse os seguintes datos:

FEDERACIÓN GALEGA DE CHAVE

- a) Para os/as deportistas: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan. No período de reclamacións ao censo provisional poderase solicitar o cambio de domicilio.
- b) Para as entidades deportivas: nome, denominación ou razón social e número de inscrición no Rexistro de Entidades deportivas e deportistas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Entidades Deportivas e Deportistas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Entidades Deportivas e Deportistas de Galicia, establecerase un prazo de 10 días para a súa subsanación.

Os candidatos proclamados a membros da Asamblea Xeral poderan dispoñer do respectivo censo de persoas que compoñen cada estamento, cos datos de carácter persoal contidos na licenza federativa. No caso dos candidatos proclamados a Presidencia, poderan dispoñer do censo de persoas que conforman a Asamblea Xeral cos mesmos datos de carácter persoal facilitados na licenza federativa.

2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Chave, así como na páxina web www.fgchave.org.
3. O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. Os candidatos proclamados poderan dispoñer do respectivo censo de persoas que compoñen o seu estamento, cos datos de carácter persoal contidos na licenza federativa, e, no caso dos candidatos a presidencia, das persoas que conforman a asamblea, cos mesmos datos de carácter persoal contidos na licenza federativa. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

FEDERACIÓN GALEGA DE CHAVE

Artigo 5. Xunta electoral

1. O mesmo día da convocatoria de eleccións, constituirase a Xunta Electoral.
2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar por escrito ante a Federación Galega de Chave podendo estar os candidatos presentes no sorteo.
Os membros da xunta deberán reunir os requisitos seguintes:
 - a) Ser maior de 18 anos.
 - b) Ter o título de bacharelato superior ou equivalente.
 - c) Non presentarse como candidato a membro da asemblea xeral.
 - d) Non ter relación contractual ou profesional coa Federación Galega de Chave
 - e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.
3. No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.
4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.
5. Funcións da xunta electoral:
 - a) Velar polo axustamento a dereito do proceso electoral dos órganos de goberno e representación federativos.
 - b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
 - c) Designar as mesas electorais de conformidade co previsto neste regulamento electoral.
 - d) Aprobar as candidaturas que reúnan os requisitos esixidos, así como o resto da documentación electoral.
 - e) Garantir a exposición de censos, candidaturas e outros documentos según se estableza neste regulamento electoral.
 - f) Coñecer e pronunciarse sobre os recursos que se presenten.
 - g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
 - h) En xeral, cantas facultades lle sexan atribuídas por este regulamento electoral.

FEDERACIÓN GALEGA DE CHAVE

Artigo 6. Mesa electoral: composición e competencias.

1. Establécese circunscrición electoral única, constituirase unha única mesa electoral situada na sede federativa, na Coruña, para a elección dos membros da asemblea no día fixado. O horario de apertura da mesa será o seguinte: de 9,00 a 13,00 horas.

A mesa electoral estará composta por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. A efectos de remisión do voto por correo, establécese como mesa para a recepción deste voto a situada na sede federativa, na Coruña.

3. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

4. A acta será subscrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fgchave.org

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

FEDERACIÓN GALEGA DE CHAVE

Artigo 7. Convocatoria de eleccións

1. A convocatoria das eleccións será feita polo Presidente da Federación Galega de Chave o día 31 de Outubro do 2014, conforme a este regulamento electoral, aprobado pola Secretaría xeral para o deporte.
2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.
3. A convocatoria de eleccións publicárase no taboleiro de anuncios da sede da federación, así como na páxina web www.fgchave.org. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:
 - a) Regulamento electoral.
 - b) Calendario electoral con indicación do lugar, data e hora de celebración dos actos propios do proceso electoral.
 - c) Lugar de consulta dos censos electorais.
 - d) Modelos oficiais de sobres e papeletas.
 - e) Composición e sede da xunta electoral da Federación.
4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes da desta federación e á Secretaría xeral para o deporte.

Artigo 8. Electores e elixibles

1. Poderán ser electores e elixibles:
 - a) No caso dos estamentos constituídos por persoas físicas (deportistas) os que reúnan os seguintes requisitos:
 - Ser maior de idade á data da convocatoria das eleccións.
 - Ter licenza federativa en vigor e tela tido na tempada deportiva anterior á data de convocatoria de eleccións.
 - Ter participado nun mínimo dunha competición na tempada deportiva anterior co fin de axustarse ao establecido na Orde de 8 de Setembro de 2010
 - b) No caso do estamento de entidades deportivas: aqueles clubs e seccións, que estean inscritos, no ano ano da convocatoria das eleccións, na federación e no Rexistro de Entidades Deportivas e deportistas de Galicia e que teñan participado en catro competicións entre o ano de convocatoria das eleccións e os dous anos inmediatamente anteriores e necesariamente unha delas no ano da convocatoria das eleccións. Non serán elixibles aquelas entidades deportivas que formen parte da asemblea na súa condición de membros natos
2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais.

FEDERACIÓN GALEGA DE CHAVE

3. Os membros da federación que pertencen a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo.

Artigo 9. Composición da Asemblea xeral

1. O número de membros da asemblea xeral será de **28**, en aplicación do artigo 10, do presente regulamento electoral. O presidente da federación desempeñará a presidencia da asemblea xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de entidades deportivas, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, as entidades deportivas e os deportistas.

4. No estamento de entidades deportivas haberá membros natos e membros electos.

5. A representación das entidades deportivas corresponde ao seu presidente ou persoa que conforme estatutos lle corresponda. Esta representación acreditarase fidelignamente mediante certificación da inscrición do Rexistro de entidades deportivas e deportistas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da asemblea poderá desempeñar unha dobre representación nesta.

8. A Federación Galega de Chave axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).

FEDERACIÓN GALEGA DE CHAVE

Artigo 10. Proporcionalidade na composición da Asemblea xeral

1. A porcentaxe de cada estamento é:

- a) Representantes de clubs: 75 %
- b) Representantes de deportistas: 25 %

2. A representación mínima do estamento de entidades deportivas na asemblea xeral da Federación Galega de Chave deberá ser do 50 % do censo definitivo de entidades deportivas, incluíndo os membros natos.

En calquera caso todas as entidades deportivas deberán necesariamente cumprir os requisitos que para eles se establece no artigo 8 desta regulamento.

3. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral.

No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros Natos da Asemblea Xeral polo estamento de entidades deportivas

Conforme o disposto na Orde do 8 de Setembro de 2010, establececese como baremo para a designación dos membros natos da asemblea xeral o seguinte :

Aquelas cinco entidades deportivas que contan cun maior número de licenzas e outras cinco que participaron nun maior número de competicións oficiais.

Conforme o anterior, son membros natos as seguintes entidades deportivas:

POR MAIOR NUMERO DE LICENZAS : C.Ch. San Cristobal, O ´ Peñasco, C. Barrio de las Flores, C. Pablo Iglesias e A Barcala

POR MAIOR NUMERO DE PARTICIPACIONES EN COMPETICIONS: Rustico Rañobre, Nostian, Borroa, Auxiliares Farmacia e Chave Dar-Dos.

FEDERACIÓN GALEGA DE CHAVE

Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de tres días hábiles a contar dende a publicación do censo definitivo.

2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fgchave.org Haberá un prazo de dous días hábiles, para a presentación de posibles reclamacións ante a Xunta electoral.

3. Unha vez resoltas as posibles reclamacións si as houbera, procederase á proclamación definitiva de candidatos, estas resolveranse no prazo de dous días hábiles.

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 9,00 a 13,00 horas. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de entidades deportivas e deportistas de Galicia na que figure expresamente os representantes legais da entidade.

Se un membro electo da Asemblea perdera a condición pola que foi elixido, causará baixa automaticamente naquela, procedéndose á súa substitución da seguinte forma: cubríndose as vacantes cos votados no proceso de elección dos membros da Asemblea, que non obtivesen praza.

FEDERACIÓN GALEGA DE CHAVE

Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.
2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.
3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urgente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente, por especialidades.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web www.fgchave.org

4.O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urgente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Chave

Reverso:

Nome e apelidos do remitente
Estamento de (Deportista)

FEDERACIÓN GALEGA DE CHAVE

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría xeral para o deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente

1. No prazo de 2 días hábiles, dende a proclamación definitiva de membros da Asamblea xeral, poderá presentar candidatura a presidente da federación calquera persoa física sen necesidade de ser membro da Asamblea, que teña a condición política de galego, maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente non poderá desempeñar ningunha outra actividade directiva ou de representación dentro da propia estrutura federativa. Non se poderá simultanear a presidencia club deportivo coa presidencia da federación deportiva na que se integre o club.

Se algún membro da comisión xestora presentase a súa candidatura á presidencia, deberá cesar naquela.

O presidente saínte da federación será membro da nova asemblea xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

2. A presentación de candidaturas farase na sede oficial da federación, mediante escrito dirixido á xunta electoral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fgchave.org. Pódense presentar impugnacións a esta no prazo de dous días hábiles. As impugnacións serán resoltas pola xunta electoral no prazo de dos días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.

FEDERACIÓN GALEGA DE CHAVE

Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente o cal conforme o establecido no artigo 3.1. da Lei 1/1981 do 6 de Abril do Estatuto de Autonomía de Galicia se lle esixe ter a condición política de galego e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.
2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.
3. Comezada a sesión e constituída a mesa electoral, o presidente presentará os candidatos. iniciando, de seguido, o proceso de votación.
4. Os candidatos exporán os seus programas de ser do seu interese, procedéndose posteriormente á votación en urna para a elección do presidente, que será secreta.
5. A Xunta Electoral determinará o modelo de papeleta. Cada membro da Asemblea só poderá votar a un candidato.
6. O proceso de votación está formado por un máximo de tres votacións.
 - a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.
 - b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
 - c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no prazo de trinta minutos, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará a oportuna acta.

FEDERACIÓN GALEGA DE CHAVE

8. No caso de existir soamente dous candidatos, resultará elixido o que obteña a maioría simple dos votos. No caso de empate, suspenderase sesión por un espazo de tempo dunha hora, celebrándose una ultima votación por maioría simple. De persistir o empate, proclamarase presidente o de maior idade.
9. No caso de que se presentase un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.
12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría xeral para o deporte.
13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.

Artigo 17. Elección de membros da comisión delegada

1. A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandado coincidirá co da asemblea xeral. Será presidida polo presidente da federación .

O número de membros da comisión delegada será duns clubs e duns deportistas , sendo o total de 6. O procedemento para a súa elección será o seguinte: Para a elección do club, será elixido polos clubs membros da Asemblea, para os deportistas da mesma forma anterior.

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

FEDERACIÓN GALEGA DE CHAVE

Os recursos ante a Xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer este recurso quen fose parte na impugnación ante a Xunta Electoral Federativa ou as persoas interesadas directamente polo seu acordo ou resolución.

2. Os prazos para formalizaren estes recursos serán de 3 días hábiles dende o seguinte ao da notificación do acordo expreso da correspondente xunta electoral ou do seguinte a aquel en que rematou o prazo de resolución de reclamacións segundo o calendario electoral.

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.

Anexo I. Calendario electoral

16 Setembro

- Aprobación do regulamento e calendario electoral
- Elección membros da xunta electoral

30 Setembro

- Presentación do regulamento electoral

20 Outubro

- Fecha tope aprobación regulamento pola SXD ou devolución para enmenda de deficiencias por un prazo de 10 días

31 Outubro

- Fin do prazo de 10 días para enmenda das deficiencias e presentación do regulamento para a súa ratificación definitiva.

12 Novembro

- Remisión convocatoria a SXD e as entidades deportivas

18 Novembro

- Convocatoria de Eleccións:
 - Constitución da xunta electoral
 - Publicación do censo provisional e calendario electoral
 - A xunta directiva da federación constitúese en comisión xestora
 - Inicio do prazo de reclamacións o censo
 - Inicio do prazo de petición do exercicio do voto por correo

20 de Novembro

- Finalización do prazo de reclamacións o censo



FEDERACIÓN GALEGA DE CHAVE

5 de Decembro

- **Fin do prazo de resolución de reclamacións o censo**
- **Publicación censo definitivo**
- **Designación das mesas electorais**

9 Decembro

- **Inicio do prazo de presentación de candidatos a membros da Asamblea Xeral**

10 Decembro

- **Fin do prazo de petición do exercicio de voto por correo**

11 Decembro

- **Finalización do prazo de presentación de candidatos a membros da Asamblea Xeral**
- **Proclamación provisional de candidatos a membros da Asamblea Xeral**

12 Decembro

- **Inicio do prazo de reclamacións de candidatos a membros a Asamblea Xeral**

13 Decembro

- **Finalización do prazo de reclamacións de candidatos a membros da Asamblea Xeral**

16 de Decembro

- **Fin prazo de resolución de reclamacións a membros da Asamblea xeral**
- **Proclamación definitiva de candidatos a membros da Asamblea Xeral**

18 Decembro

- **Fin do prazo para remitir os papeis de voto pro correo**

FEDERACIÓN GALEGA DE CHAVE

26 Decembro

- **Fin do prazo para depositar os votos en correos**

3 Xaneiro

- **Elección dos membros da Asamblea Xeral (SABADO)**

5 Xaneiro

- **Inicio do prazo de reclamacións da elección de membros a Asamblea Xeral**

7 Xaneiro

- **Finalización prazo de reclamacións a elección de membros a Asamblea Xeral**

9 Xaneiro

- **Resolución reclamacións a elección de membros a Asamblea Xeral**
- **Exposición da composición definitiva da Asamblea Xeral**

10 Xaneiro

- **Inicio do prazo de presentación de candidatos a presidente e comisión delegada da Asamblea Xeral**

12 Xaneiro

- **Finalización do prazo de presentación de candidatos a presidente e membros da comisión delegada**
- **Proclamación provisional de candidatos a presidente e comisión delegada**

13 Xaneiro

- **Inicio do prazo de reclamacións de candidatos a presidente e membros da comisión delegada**



FEDERACIÓN GALEGA DE CHAVE

14 Xaneiro

- **Fin do prazo de reclamacion de candidatos a presidente e comision delegada**

16 Xaneiro

- **Prazo de resolucion de reclamacions de candidatos a presidente e comision delegada**

17 Xaneiro

- **Proclamacion e publicacion da lista definitiva de candidatos a presidente e comision delegada**

24 Xaneiro

- **COSTITUCION DA ASAMBLEA XERAL**
- **ELECCION DO PRESIDENTE DA FEDERACION GALEGA DE CHAVE**
- **ELECCION MEMBROS DA COMISION DELEGADA DA ASAMBLEA**

26 Xaneiro

- **Inicio prazo reclamacions a votacion de presidente de comision delegada**

27 Xaneiro

- **Fin do prazo de reclamacions a votacion a presidente e comision delegada**

29 Xaneiro

- **Fin do prazo de resolucion das reclamacions a votacion a presidente e comision delegada**
- **Proclamacion definitiva de Presidente e Comision Delegada da Federacion Galega de Chave**
- **Fin do proceso electoral e inicio do prazo de 10 dias para comunicar os resultados a SXD**

FEDERACIÓN GALEGA DE CHAVE

Anexo II. Modelos de sobres e papeletas

FEDERACIÓN GALLEGA DE CHAVE	
ELECCIONES 2014	
PAPELETA DE VOTO	
ESPECIALIDAD DEPORTIVA	
Ejemplo CHAVE	
ESTAMENTO DE	
Ejemplo DEPORTISTAS	
CANDIDATOS PROPUESTOS (1)	
<input type="checkbox"/>	Nombre del candidato
<input type="checkbox"/>	Nombre del candidato
<input type="checkbox"/>	Nombre del candidato
<input type="checkbox"/>	Nombre del candidato
<p>1 Poner una cruz en el nombre del/los candidato/s, por el/los que se quiera votar POR ESE ESTAMENTO solo saldrá un candidato, quedando el segundo más votado, como suplente para la Asamblea General</p>	
<p>Escribir con letra de imprenta y en mayúscula No hacer tachaduras, ni enmiendas, si te equivocas utiliza una nueva papeleta</p>	



FEDERACIÓN GALEGA DE CHAVE

FEDERACIÓN GALEGA DE CHAVE	
MESA ELECTORAL	
ELECCIONES 2014	
ESTAMENTO	Ej. Deportistas
ESPECIALIDAD	Ej. Chave





Anexo III. Censos

